



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-45-1-2596/24

Datum, 15.10.2024. godine

Na osnovu Zakona o zaštiti i dobrobiti životinja, poglavlje IX; Zaštita napuštenih i izgubljenih životinja, kao i na osnovu Odluke o komunalnom redu i sanitarnom minimumu Općine Tešanj broj 2/18, Budžeta Općine Tešanj za 2024. godinu ("Službeni glasnik Općine Tešanj", broj: 10/23), Odluke o izvršavanju Budžeta Općine Tešanj za 2024. godinu ("Službeni glasnik Općine Tešanj", broj: 10/23) i u skladu sa postojećom Odlukom o kriterijima, načinu i postupku raspodjele sredstava nevladinim organizacijama (Službeni glasnik općine Tešanj br. 9/05, od 28.10.2005.) raspisuje se:

**JAVNI POZIV  
za dodjelu grant sredstava  
za uklanjanje i zbrinjavanje pasa lotalica sa područja općine Tešanj**

**1. Predmet javnog poziva**

Predmet Javnog poziva je: iskazivanje interesa za uklanjanje i zbrinjavanje pasa lotalica sa područja općine Tešanj, čipovanje i vakcinisanje svih pasa zbrinutih u Azilu za pse, kao i sterilizaciju/kastraciju pasa za koje ovlaštena veterinarska služba utvrdi da je potrebno i moguće izvršiti u skladu sa članom 28. Zakona o zaštiti i dobrobiti životinja ( Službeni glasnik BiH; broj 25/09)

Pod pojmom uklanjanja i zbrinjavanja pasa lotalica sa područja općine Tešanj podrazumijeva se hvatanje pasa lotalica, napuštenih i izgubljenih pasa, adekvatan smještaj, posjedovanje potrebne opreme za čuvanje, hranjenje i osiguranje veterinarske - zdravstvene zaštite i njegu pasa, kao i briga o zbrinjavanju uginulih pasa.

Primarni cilj projekta je uklanjanje pasa lotalica sa ulica,, puteva i javnih površina i obezbjeđenje pristojnih uslova za kvalitetan život u prihvatilištu, te pronalazak adekvatnog udomljenja za pse, kao i zaštita pasa lotalica

Općina Tešanj je obezbijedila lokaciju i objekte za smještaj i čuvanje pasa lotalica.

**2. Korisnici sredstava koji imaju pravo na podnošenje prijave**

Pravo učesća na javnom pozivu imaju udruženja građana koja su registrovana za obavljanje djelatnosti koje su predmet javnog poziva, a koja imaju registrovanu djelatnost najmanje jednu godinu.

**3.** Grant sredstva za ove namjene su planirana u budžetu Općine Tešanj za 2025. godinu, a biti će dodijeljena udruženju koje dostavi najprihvatljiviji i najkompletniji program rada.

**4. Uz zahtjev za odobrenje sredstava potrebno je dostaviti sljedeću dokumentaciju:**

1. Prijedlog programa koji je predmet Javnog poziva;
2. Kopija rješenja o registraciji za traženu djelatnost;
3. Kopija uvjerenja o poreskoj registraciji-identifikacioni broj;
4. Podaci o odgovornoj osobi (ime i prezime, kopija lične karte);
5. Izjavu o planiranom broju zaposlenih-zaduženih za brigu o psima, njihova stručna sprema i poslovi koje će obavljati; **Za sva lica dostaviti biografiju**
6. Način osiguranja veterinarske zaštite pasa – Ugovor sa veterinarskom stanicom;
7. Dokaz o posjedovanju opreme za hvatanje pasa u skladu sa zakonom;
8. Dokaz o posjedovanju aktivnog žiro-računa.

## **5. Opće odredbe**

Neće se uzeti u razmatranje prijave udruženja građana koja ne dostave svu dokumentaciju propisanu Javnim pozivom.

Navedenu dokumentaciju potrebno je dostaviti u originalu ili ovjerenoj kopiji koja ne smije biti starija od 3 mjeseca računajući od dana prijave na Javni poziv.

## **6. Ocjena programa**

Ocjenu programa koji je predmet Javnog poziva će vršiti komisija koju će naknadno imenovati Općinski načelnik.

Zadatak komisije je da ocijeni kvalitet programa, kao i da procijeni opravdanost visine zahtijevanih sredstava

## **7. Vrijeme trajanja Ugovora**

Sa udruženjem građana koje dostavi prihvatljiv program rada potpisaće se ugovor za uklanjanje i zbrinjavanje pasa lotalica, napuštenih i izgubljenih pasa sa područja općine Tešanj na period 01.01. 2025. - 31.12.2025. godine.

## **8. Rok dostave programa**

Rok dostave programa-prijave je 15 dana od dana objave Javnog poziva na web stranici Općine Tešanj.

Prijave se dostavljaju u zatvorenoj koverti sa naznakom "NE OTVARATI".


Prijave se dostavljaju na adresu:

**OPĆINA TEŠANJ**  
**Alije Izetbegovića br.1**  
**74260 Tešanj**

**ili lično u Pisarnicu općine Tešanj**

**s naznakom:**

**"Prijava na Javni poziv za dodjelu grant sredstava  
za uklanjanje i zbrinjavanje pasa lotalica sa područja općine Tešanj"**

  
**OPĆINSKI NAČELNIK**  
Mr.scj.Suad Huskić